
ОНЛАЙН: СЎХ ТУМАНИДА ҲАЁТ ҚАНДАЙ?

Бугун, Фарғона вилояти ҳокимлиги томонидан Сўх туманида тарғибот тадбирлари ташкил этилмоқда.

"Чашма" чегара-божхона постидан ўтиб, қадимий юрт заминига қадам қўярканмиз, пурвиқор тоғлар бизни ўзига ром этди. Ўзбекистоннинг дил парчаси Сўх бугун катта янгиланишлар арафасида. Президентимизнинг топшириғи асосида туманни ҳар томонлама тараққий эттириш йўлида изчил саъй-ҳаракатлар бошланди.

Карантин туфайли икки давлат фуқароларнинг ҳаракатланиши учун чегараларни ёпганлиги барчага маълум. Шундай бўлсада, Сўх туманига юк автомашиналари мунтазам қатнаётди. Вилоят ҳокимлигининг кўмаги билан бошқа ҳудудларда қолиб кетган фуқаролар ўз яшаш манзилларига олиб келинди. Шунингдек, озиқ-овқат маҳсулотлари, қурилиш материаллари ва бошқа зарур буюмлар ортилган кўмак карвони Сўхга жўнатилди.

Аҳолини узоқ йиллардан буён қийнаб келаётган муаммолар ҳал этилиб, туман обод ҳудудга айланмоқда. Беш юзга яқин сўхлик ёшлар Tashkent cityда ишлаш учун юборилмоқда. Бу каби мисолларни кўплаб келтириш мумкин. Бугун ўтказилаётган тадбирлар ҳам чегарадош туманга бўлган эътиборнинг ёрқин ифодасидир.

Тадбирлар доирасида "Ватаним тараққиётига менинг ҳиссам" шиори остида ёшлар меҳнат ярмаркаси ўтказилмоқда, эҳтиёжманд оилалар ҳолидан хабар олинмоқда. Шунингдек, пойтахтдан келган малакали шифокорлар аҳолини чуқурлаштирилган тиббий кўрикдан ўтказиб, зарур маслаҳатлар берапти. Санъаткорлар эса Сўх телевидениеси орқали дилрабо қўшиқлари билан сўхликларга хушнудлик улашиш ниятида.

ЎЗА мухбирлари билан ҳамкорликда тайёрланди.

Фарғона вилояти ҳокимлиги Ахборот хизмати Facebook, Telegram, Веб сайт, YouTube

2020-06-11 15:49:21